



Inatsisartuni ilaasortaq,
Adam Kristensen, Inuit Ataqatigijit

§ 37 naapertorlugu apeqquteqaammut nr. nr. 63/2023-mut

Inatsisartut suleriaasissaanni § 37-mi imm. 1 naapertorlugu, aalisartut piniartullu ikiorserneqarsinnaanissaat pillugu apeqqutinik Naalakkersuisunut nassiussaqarsimavutit. Apeqqutitit uanga suliassaqarfigisannut akisassanngortinneqarsimapput.

1. Apeqqut: Naalakkersuisut pilersaaruteqarpat silap piniarfiusinnaannginnera tunngavigalugu aalisartunut piniartunullu aninaasaateqarfimmik pilersitsinissamik?

Akissut:

Pingortitap nukii pissutigalugit ajornartorsiuteqalersarnerit unammilligassaqalersarnerillu ilisimailluarpakka paasilluarsinnaallugillu. Taamaattumik aalisartunik piniartunillu ikuisinnaalernissaq anguniarlugu aaqqiissutissaasinaasunik Naalakkersuisut periarfissaasinaasunik suliaqarput. Aaqqiissutissaajunnartoq suliarineqartoq aningaasaateqarfiunngilaq aningaasaateqarfimmulli eqqaanarsinnaalluni. Silap allangorneranik uppernarsarneqarsinnaasunik patsiseqartumik aalisarsinnaaneq piniariarsinnaanerluunniit periarfissaalatsilersillugu aalisartut piniartullu qinnuteqarnermikkut aningaasatigut ikiorserneqarsinnaanngorlugit massakkut ikorsiisarnermut inatsit allanngortinniarneqarpoq. Qimmit qimuttut nerukkaatissaanik pisinissamut ikiorserneqarsinnaanissartaaq ilanngullugu sulissutigineqarpoq.

2. Apeqqut: Naalakkersuisut pilersaaruteqarpat aalisartut piniartullu isumaginninnerup avataatigut ajornartoorerup kinguneranik ikiorsertariaqalersimasunut ikorsiisarfimmik pilersitsinissamik?

Akissut:

Pisortanit ikorsiissutit pillugit inatsisartut peqqussutaat naapertorlugu kinaluunniit Kalaallit Nunaanniattoq tassanngaannartumik pisariaqavissumik pissaaleqilernermermi pisortanit ikiorserneqartussaatitaavoq, tamatumani imminut ilaquettaminillu pilersuisinnaanngikkuni.

Peqqussut innuttaaqataasunut tamanut atuuppoq, aamma aalisartunut piniartunullu, pisortanit ikorsivigineqarnissaminnik immikkuullarissumik pisariaqartitsisinnaasunut piffissani aalajangersimasuni, inuussutissarsiuutiminni isertitaqanngiffiusuni imaluunniit inuuniutissanik annikitsuinnarnik isertitsiviusartuni, imaappoq imminut ilaquettaminillu pilersuisinnaanngiffianni.

Aalisartut piniartullu pisortanit ikiorserneqarnissamik qinnuteqarnerminni tunngavilersuutigisinnasaat ullumikkut tassaasinnaapput sila pissutigalugu aalisariarsinnaannginnerit piniariarsinnaannginnerilluunniit, piffissami

Uloq: 27-03-2023

Suliap normua: 2023 - 5934

Akt normu: 22936124

Postboks 269

3900 Nuuk

Oqarasuaat (+299) 34 50 00

Fax: (+299) 34 63 55

E-mail: apn@nanoo.gl

www.naalakkersuisut.gl

aalajangersimasumi tulaasseqqusaajunnaarnerit imaluunniit tulaassuisarnerit eqqarsaatigalugit periarfissaalatsilersarnerit.

Piniartut aalisartullu pisortanit ikorsiissutinik qinnuteqartut ataasiakkaarlugit immikkut naliliivigineqartarput.

Pisortanit ikorsiissutit pillugit Inatsisartut inatsisaat nr. 6, 20. juni 2022-meersoq 1. juli 2023-mi atuutilersussanngorlugu 2022-mi upernaakkut ataatsimiinnerminni inatsisartunit akuersissutigineqarpoq.

Tamatuma saniatigut qinnuteqartoq aapparisaasorluunniit aningaasartuutinik nammineerluni isumaginnissinnaannginnerani pisariaqartitsineq malillugu ikorsiissutinik qinnuteqarsinnaapput. Pisariaqartitsineq naapertorlugu ikorsiissutit tassanngaannartumik pisariaqartitsinermi ikorsiissutit aammalu immikkut pisoqartillugu pisortanit ikorsiissutit pillugit inatsisartut peqqussutaanut taarsiullugu atuutsilersinneqassaaq.

Taamaattori pisariaqartitsineq naapertorlugu ikiorserneqarnissamik qinnuteqaatit ataasiakkaarlugit massakkutut kommuninit nalilorsorneqartassapput.

Naalakkersuisullu pisortat ikorsiissutaat pillugit Inatsisartut inatsissaani "pissusiviusunik" tunngaveqarnerusunik aaqqissuussisoqarsinnaaneranut periarfissat misissulerutterpaat. Aalajangersagaq piniarneq aallaaniarnerlu pillugit inatsisartut inatsisaat naapertorlugu inuussutissarsiutigalugu aalisartutut piniartutullu allagartalinntu sila, sikusimannginnera piniarsinnaannginnerluunniit pissutigalugit imminut pilersorsinnaajunnaarsimasunut toqqaannartumik naleqqussagaq. Aalisartut piniartullu assigiinngitsut peqatigiiffiisa sinnisaasa Naalakkersuisullu suleqatigiillutik nalilorsuerernerisigut pissusiviusunik tunngaveqarneraluni ikorsiisalernissamut aaqqissuussinissaq siunertaavoq.

Angallammik ajornartoorsimaneq pissutigalugu aalisartunut piniartunullu ikorsiissutissanik immikkut pilersitsinissaq Naalakkersuisunit massakkut sulissutigineqanngilaq. Aalisartut piniartullu angallatiminnik ajornartoorsinnaanissamut sillimmasesrinnaanissaminnut periarfissaqarput. Sillimmatit aqqutigalugit aaqqiisoqarsinnaatinnagu ikuisinnaanermut tunngatillugu inatsiseqareerpugut.

Inussiarnersumik inuullaqqusillunga



Karl Tobiassen
Aalisarnermut Piniarnermullu Naalakkersuisoq